

Communicaziun a las medias dals 12 da zercladur 2023

BCG SPORTKIDS – sco final in viadi enturn il mund

Sonda passada han ils BCG SPORTKIDS fatg in viadi „enturn l'entir mund“ a chaschun dal di dal final a Maiavilla. Tenor il motto „viadi enturn il mund“ e cun la finamira d'emprender d'enconuscher auters pajais han ils uffants absolvi ina cursa da posts sco tschertgastgais en il Canada, cowboys da l'Argentina u stars futurs dal sport svizzer.

Var 400 uffants han fatg part dal punct culminant dals BCG SPORTKIDS da quest onn. Ils uffants sportivs da tschintg e sis onns han trenà dapi l'atun passà duas giadas l'emna en il rom dal program polisportiv per promover il moviment. Grazia a quel han els acquistà basas sportivas multifaras ed emprendi d'enconuscher differentas disciplinas a chaschun da trenaments da fufagnadi. Sco finiziun dal di dal final han las gruppas dal studio da sautar „A-move“ preschentà ina show sin il prà da sport a Maiavilla.

Engaschament per l'avegnir sportiv dal Grischun

Sco partenaria e sponsura principala sustegna la Banca Chantunala Grischuna il program da promoziun BCG SPORTKIDS organisà da graubündenSport. La BCG suttastritga cun quest partenadi ses engaschament a favur da la promoziun da la giuventetgna en il chantun Grischun.

Annunzias per il proxim onn da trenament

S'annunziar per l'onn da trenament 2023/24 pon ins fin ils 29 da zercladur 2023 sin gkb-sportkids.ch. Er uffants cun restricziuns èn envidads cordialmain da sa participar, tut tenor pussaivladad en ina gruppa da sportkids ubain tar ils sportkids „Specials“.

Contact:

Thomas Müller, thom.mueller@gkb.ch, telefon +41 81 256 83 11

Banca Chantunala Grischuna, chascha postala, 7001 Cuira | medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universala moderna – per persunas privatas, l'economia ed il maun public. L'interpresa cun sedia principala a Cuira è represchentada en passa 40 lieus en il Grischun. Cun var 1'000 collavuraturas e collavuratur è la BCG ina da las pli grondas patronas en il chantun. Sia attaschadadad al Grischun exprima ella en moda multifara. Ultra da sias activitads economicas s'engascha ella cun ses sponsoradis, ses fond da contribuziuns e sias puschidas per lavur voluntara.

Termins:

Rendaquint semestrial 2023:

27 da fanadur 2023